

秦皇士傷寒大白

卷二

身喘嘔發譫煩潮似

重逆吐狂詭躁熱瘧

下畜血昏口口渴頭身

血血血焦燥渴眩癢

精校本
斷句

傷寒大白

王大錯署簽

傷寒大白卷一目錄

傷寒熱病總論

驗舌色

驗唇口論

驗二便論

辨脉論

南北方宜發表不同論

南北方宜清裏相同論

三陰熱病論

三陰寒病論

陰症似陽論

陽症似陰論

宜發表忌發表論

宜清裏忌清裏論

宜和解忌和解論

宜吐法忌吐法論

宜溫經忌溫經論

宜攻下忌攻下論

宜消導忌消導論

宜補虛忌補虛論

誤下不宜再下論

惡寒 發熱

寒熱症 身痛

頭痛 項強

咽痛

傷寒大白卷二目錄

似瘧

潮熱

煩燥

譫語

發狂

嘔吐

喘逆

身重

身癢

頭眩

口渴

口燥

唇焦

衄血

畜血

下血

傷寒大白卷三目錄

無汗

自汗

頭汗

盜汗

懊懷

不得卧

發黃

面赤色

胸滿

脅滿

心下滿

結胸

痞滿

咳逆

呃逆

腹痛

傷寒大白卷四目錄

下痢

小便

大便

合病

併病

壞症

附昏冒

熱入血室

不語

發斑

溫病

疫病

夾食

瘧病

陰陽厥

足冷

傷寒大白卷二

雲間秦之楨皇士纂著

似瘧

似瘧者發作有時而准也。按似瘧與潮熱皆不失時候。但熱不寒者。名潮熱。先寒後熱者。名似瘧。故曰似瘧。表症也。發於晝。邪在陽分。氣分者。輕發於夜。邪在陰分。血分者重。若發於寅卯二時。少陽症也。柴胡湯主之。寒多者。加羌活防風。熱多者。加黃芩山梔。若發於辰巳午三時。或一日一發者。太陽症也。加減羌活湯主之。寒多倍加羌活防風。熱多加黃芩山梔。發於未申二時。或間日一發者。陽明症也。乾葛湯主之。若寅卯先見煩燥煩熱。至未申而熱甚者。陽明而兼少陽也。重加柴胡黃芩。若發時寒多。加羌活防風。熱多加知母石膏。此以時候分各經主治之法也。又有一日一發。惡寒頭痛脈浮而數者。太陽經。即以前方羌活湯。若間日發作。熱多寒少。脈長而大。煩渴消水者。為陽明經。即以前方乾葛湯。加減主之。若寒熱口苦。脈弦而數者。為少陽經。即以前方小柴胡湯。加減服。

之。此又據症據脈分各經主治之法也。寒熱發在午前者表症也。宜發表。寒熱發在午後者邪在半表半裏。一半散表。一半清裏。若但熱不寒發在午後者瘧陽症。宜清裏為急。大凡似瘧發作不愆其期者則非虛熱。不論日數悉作邪治。有表邪惡寒。失散表邪。內伏變症。有裏邪失治裏邪。病必不愈。若發時手足皆冷。甚至麻木。此積熱從內發外。風寒束其外。裏熱不得發越。是以手足反冷。宜先散表邪。後清積熱。積熱先感伏於內。未曾發病。風寒後感束於外。其病乃發。後感之風寒在外而近。故先寒先感之積熱在內而遠。故後熱。積熱本病表寒標病。近者先治。故凡病先散表。後清裏也。若發時胸前或滿。或嘔。或熱。或嘈。或痛。或惡心。此痰飲內伏。故嘔吐也。宜以二陳導痰湯。熱令有火。加山梔川連。沖竹瀝。熱服。若胸前飽悶。嘔吐不食。此食滯胃家。宜以平胃保和散。青皮檳榔散。草菓飲。加白豆蔻。川連。若內有積熱。忌辛燥者。沖蘿蔔汁。以似瘧症。必夾痰食而起者。故曰瘧家中脘。多畜黃水。腸胃有痰。飲積食。至其時則發作。上潮宜先用吐法。隨用導痰湯。草菓飲。保和散。消盡痰積。重加檳榔。查肉。則無瘧母癖塊。

之患。大凡痰飲食積似瘧症。若在熱令發作。雖忌辛溫燥味。又忌生冷抑遏。以此症最易變重。夫瘧疾間日而發。發後清爽。仍能行走飲食。若一日一發。發後身雖涼。不能起身飲食。乃太陽經先寒後熱之寒熱病。非真瘧也。初起先寒後熱。宛似瘧症。夫忌風寒飲食。一熱不涼矣。此症如發熱汗多。表邪不解。久病不愈。直待汗少。方是熱減可愈之機。若一起從來無汗。或汗向少。尚有惡寒表症。直待汗多。方是表邪表散之徵。故曰無汗惡寒。表症也。欲其有汗。散表為先。有汗潮熱裏症也。欲其無汗。清裏為急。如初起胸前飽悶。惡寒發熱。不思飲食。此胃家有滯。直待胸前寬適。飲食能進。方有愈期。若胃強能食。發熱不止。此陽明有熱。必減其飲食。則穀氣不助熱邪。而熱自減。故云日暮微煩。減穀即愈。太陽病得之八九日。如瘧狀。發熱惡寒。熱多寒少。其人不嘔。清便欲自可。一二三度發。脈微緩者。為欲愈也。脈微而惡寒者。此陰陽俱虛。不可更發汗。更下。更吐也。面色反有熱色者。未解也。以其不得小汗出。身必癢。宜桂枝麻黃各半

湯。

太陽病得之八九日。一日一發。先寒後熱。如瘧狀。若其人不嘔。清便則裏無邪。當自可。若一日二三度發。則是邪散變輕。而無准期。脈又見微緩。則為自愈。若仍見惡寒表症。而脈微。當知陰陽俱虛。不可更發汗。更下。更吐也。若見面熱赤色。此其表邪未解。未得小汗出。身必發癢。仍當發汗。冬月北方用麻桂各半湯。

南方三時用羌活防風湯。

服桂枝湯。大汗出。脈洪大者。與桂枝湯如前法。若形如瘧。日再發。汗出必解。宜桂枝二麻黃一湯。

服桂枝湯。汗大出。病不解。脈反洪大。又與桂枝湯。又見形如瘧。若一日兩發。此是表邪欲解之象。因桂枝止治風邪。寒邪終不得散。故加麻黃一半。以散寒邪。則汗出而必解。可見太陽似瘧。皆主散表。不比陽明似瘧。有汗下兩條者。

病人煩熱。汗出則解。又如瘧狀。日晡所發熱者。屬陽明也。脈實者。宜下之。脈虛

浮者宜發汗。下之與大承氣湯。發汗宜桂枝湯。

太陽如瘧皆表邪。今日晡發熱。此陽明似瘧之症。故分脈沉而實。宜下之。以大承氣脈若不實而浮。尚是太陽似瘧。而以桂枝發汗也。

少陽篇曰。婦人中風七八日。續得寒熱發作有時。經水適斷者。此為熱入血室。其血必結。故使如瘧狀。發作有時。小柴胡湯主之。

此條專言女科。熱入血室似瘧症。小柴胡湯兼治少陽厥陰。再加引入血分之味。

小柴胡湯 見寒熱頭眩二門

按似瘧症。若發寅卯二時。又見弦數之脈。以此方主治。若惡寒身痛。加羌活。無汗。加防風。胸前飽悶。加枳殼。厚朴。草薢。白芷。菴口渴。加知母。石膏。羌活。乾葛。嘔惡。加竹茹。倍半夏。

加減羌活湯 見惡寒

似瘧發於午前。見惡寒身痛。伸欠拘禁。為太陽症。故以此方發表。

升麻乾葛湯

升麻 乾葛 白芍藥 甘草

此治陽明經有汗惡寒之瘧。若無汗。去白芍藥。加防風。惡寒身痛。加羌活。嘔惡。加半夏厚朴。口渴消水。加乾葛石羔。胸前飽悶。加草菓白芷薤。

白虎加桂枝湯

似瘧症。表有寒邪。忌白虎。裏有積熱。忌桂枝。今以石羔之清涼。同桂枝。亦能散表。桂枝辛熱。同石羔。亦化清涼。桂枝治先惡寒。石羔治後發熱。

二陳導痰湯

半夏 南星 枳實 赤茯苓 橘紅 甘草 石菖蒲

胸前飽悶。又見寒熱似瘧。此因痰成瘧。故立此方。外感表邪。加羌活柴胡乾葛。裏有積熱。加山梔黃連白芷菖厚朴。

平胃散 見謔語

腸胃溼熱。恆發似瘧。若發時胸前飽悶。悉以食積主治。兼冒寒邪。加羌活柴胡。

葛根防風內兼積熱加山梔黃連枳殼食積重者加查肉一兩青皮三錢嘔吐加竹茹半夏白芷薤

草菓飲

草菓仁 青皮 白芷 甘草 紫蘇 白芷薤 山查 萊菔子

人冒外邪但發寒熱不成瘧症若腸胃先有食積痰涎後又外感風寒則發似瘧故家秘以此消痰積若發時惡寒身痛此後感之表邪急也加羌活柴胡升麻口渴唇焦先感之積熱重也加梔連

不思飲食似瘧不愈消其飲食不助熱邪而熱自除能食而似瘧不愈禁其飲食不助邪熱而熱自減以似瘧之症皆因內有痰飲積熱故耳家秘截瘧飲

羌活 柴胡 升麻 半夏 厚朴 檳榔 青皮 枳殼 木通 查肉

潮熱

潮熱者如潮水之有准而不失其時但熱不寒不若似瘧先寒後熱尚有表症

者發作有時。不若發熱壯熱煩熱常熱不休者。雜症潮熱有實有虛。外感潮熱。惟以陽明腸胃積熱燥屎所致。故潮熱多用清下二法。以裏症多也。然又有分別發於寅卯二時。先有微寒而熱者。此少陽潮熱。無汗脈浮。柴胡防風湯。有汗脈弦。小柴胡湯。大便秘有下症者。大柴胡湯。虛人柴胡引子。發於巳午二時。或一日一發者。此太陽潮熱。脈浮無汗。羌活沖和湯。熱結膀胱。導赤各半湯。重加羌活。發於申未二時。或間日發作者。此是陽明腸胃積熱。宜川連枳殼湯。然脈浮無汗。尚宜乾葛解肌湯。有汗脈大口渴。用葛根白虎湯。若胸前飽悶。右脈弦滑。保和散。重加消導。若大便秘結有下症者。大乾葛湯下之。若腹脹滿作痛。欲大便不得。便手足熱。熱多汗。用三乙承氣湯。潮熱不用發表之方者。以潮熱無表症耳。若表邪未散者。仍用發散。是以潮熱亦有用雙解散。小柴胡湯和解而愈者。未可徒恃清下二法者。總之自汗脈沉數。無表邪之潮熱。宜清裏。不必解表。無汗脈浮大。有表症之潮熱。宜解表。即有裏邪。亦只宜雙解表裏。未可單清裏。熱反礙表邪。即表邪盡解。裏症潮熱如無下症者。未可即下。以上言有表有裏。

之潮熱也。又有外不常熱。每至五更。即覺煩熱。至辰巳或午未申。則內火上冲。或嘔或脹。或作痛。或胸前脅肋一片。每至其時。發熱如火。一日一發。不愆其期。此積熱痰火。內伏作患。從裏發外之潮熱也。宜升麻清胃湯。合枳殼川連湯。梔連二陳湯。加海石瓜樓。清積熱化痰涎。甚至腹作痛。有下症者。導痰湯。加大黃玄明粉下之。若食滯未消。忌寒涼抑遏者。宜保和脾胃散。消食積。若痰食皆消。惟存積熱不解。家祕用乾葛。而熱從表解。川連同枳殼。而泄大便。川連同木通。而清小便。得內外分消之法。此言裏有積熱之潮熱也。又有熱病後。每至申酉。微有潮熱。此名日暮微煩。陽明腸胃積熱未清。二便未滑。又食穀太早。仲景云。損穀即愈。此言戒穀食。并用寒涼。微下大腸。損其腹中之穀食。兼清其餘熱。宜用枳殼木通川連大黃黃芩山梔以治之。或梔子豆豉湯。加枳實大黃同食。復主治亦可。

太陽病重發汗。復下之。不大便。舌燥而渴。日晡小有潮熱。從心下至小腹硬滿而痛。手不可近者。大陷胸湯。

此條不治潮熱。但治結胸。故詳註結胸症。

陽明潮熱大便鞭。可與承氣湯。若不轉矢氣。此但初頭鞭。後必澹。攻之必脹滿不食。

此申明用承氣法。必以轉矢臭氣為糞定硬。若不轉臭氣。其糞初頭一段雖硬。後即是澹糞。若誤攻腹。必脹滿不食。

陽明病脈遲。汗出不惡寒者。其身必重。短氣腹滿而喘。有潮熱者。此外欲解。可攻裏矣。手足汗出者。大便已鞭也。大承氣湯。若微發熱惡寒者。外未解也。如熱不潮。未可與承氣湯。若腹大滿不通者。可與小承氣湯。微和胃氣。勿令大泄。

陽明病脈不浮大。而遲緩。汗出不惡寒。且腹滿潮熱。手足汗出。大便已鞭。可攻裏矣。若尚見發熱惡寒。又無潮熱裏症。未可用承氣湯。即令腹大滿。大便不通。只可與小承氣湯。微和胃氣。勿令大下。

陽明病。譫語。有潮熱。反不能食者。胃中必有燥糞五六枚也。若能食者。但鞭爾。大承氣湯主之。

此以不能食。別有燥屎。以能食。別無燥屎。言陽明熱本能食。今反不能食。此腸胃中填實無餘地。納穀即大寶大滿互詞。故斷其必有燥屎五六枚。宜大承氣湯主之。若能食者。但硬大便。未必有乾結燥屎。未可用大承氣湯。

陽明病。譫語發潮熱。脈滑而疾者。小承氣湯主之。與湯一升。腹中轉失氣者。更服一升。不轉失氣。勿更與之。明日不大便。脈反微澀者。裏氣虛也。為難治。不可更與承氣湯也。

陽明病。譫語潮熱。脈沉數。方是下脈。今脈滑疾。尚是浮動表邪之脈。且以小承氣湯服之。察其若轉失氣。仍以小承氣湯更服一劑。若不轉失氣。勿更服。明日不大便。脈反微澀。則裏氣已虛。不可更投承氣湯。故曰難治。

二陽併病。太陽症罷。但發潮熱。手足熱。熱汗出。大便難。而譫語者。下之則愈。大承氣湯主之。

太陽症罷。但發潮熱。已無表證矣。汗出大便難。而譫語。皆下症。故用大承氣湯。陽明病。脈浮而緊者。必潮熱發作有時。但浮者。必盜汗出。

陽明病中。復申脈浮而緊。即潮熱發作有時者。亦不可早下。仍用太陽施治。發作有時。非發作定期。乃言發作時。必現太陽時候。例如辰巳潮熱。屬太陽之時。上半日潮熱。屬表邪之時。即脈但浮不緊。表邪輕者。亦見盜汗出。尚是柴胡症也。此示人不拘脈與症。但見表邪起影。即當從表治之。

柴胡防風湯

柴胡 防風 乾葛 甘草

此散少陽陽明表邪之方。若惡寒身痛加羌活。飽悶加枳殼厚朴。嘔吐加半夏厚朴。

小柴胡湯

柴胡 黃芩 廣皮 甘草 半夏 人參

此方和解少陽。若見惡寒身痛。仍加羌活防風。口渴去半夏。加天花粉。飽悶去人參。加枳殼厚朴。小便不利加木通。

大柴胡湯

柴胡 黃芩 廣皮 甘草 半夏 大黃

少陽表症未解。裏症又急。用此方雙解表裏。口燥渴去半夏。腹中脹加枳殼。小便澀加水通。

柴胡飲子

此即小柴胡湯加大黃。大柴胡湯加人參。家秘治潮熱便閉。本元虛者去半夏。加當歸白芍。治血虛潮熱大便閉結。

羌活沖和湯 見發熱

導赤各半湯 見腹痛

白虎湯 見口渴

用此方第一要分別有汗無汗。消水不消水。唇口焦與不焦。乃下手要訣也。

大乾葛湯

此從大柴胡湯雙解少陽表裏法。中化立。此湯雙解陽明表邪未解。又見陽明裏熱有下症者。

三乙承氣湯

枳殼 厚朴 大黃 芒硝 甘草

潮熱裏症也。故一見下症。即用下法。

大陷胸湯 此方詳註結胸症。

煩躁

煩躁有陰陽表裏四條。按煩與躁同一煩悶不寧也。身大熱脈浮大有表症無汗而煩。名曰煩熱。宜發汗。身不大熱脈沉數無表症汗多而煩。名曰煩躁。宜清裏。另有不發熱脈沉遲口不消水而煩者。名曰陰躁。用溫裏。夫煩熱表症煩躁裏症。陰躁陰症。是以煩躁宜分表裏陰陽。若太陽中風汗出而煩躁脈反浮緊發熱惡寒身疼痛。此太陽經營衛兩傷之煩躁。大青龍湯主之。若身痛無汗脈浮緊身大熱而煩。此太陽經寒傷營之煩躁也。冬月北方用麻黃湯。三時南方用羌活湯。若發熱有汗而煩脈浮緩。此太陽經風傷衛之煩躁也。冬月北方用桂枝湯。三時用防風湯。若汗出不解而煩渴欲飲水小便不利。此太陽經熱結。

膀胱之煩躁也。北方用五苓散。南方羌活木通湯。若發熱無汗而煩。目痛鼻乾。脈長浮洪。此陽明表症煩躁也。冬月葛根湯。三時升麻乾葛湯。若有汗而煩。脈洪而數。口渴消水。此陽明裏症煩躁也。白虎湯。若表邪盡散。脈沉而數。有下症而煩者。承氣湯。若寒熱嘔而口苦。脈弦而煩者。此少陽半表半裏煩躁也。小柴胡湯。合梔子豆豉湯。若腹脹便閉。有汗而煩躁。此少陽有下症煩躁也。大柴胡湯。下之。又有積熱內結。外不大熱。手足反冷。脈沉而數。口渴飲水。時有汗出而煩者。宜用清裏。又有表邪伏於經絡。中焦凝滯。表熱不能外發。遍身反冷。脈反沉伏而煩熱。宜用升散。總之有汗之煩躁。裏症也。宜清熱。無汗之煩躁。表症也。宜散表。脈浮之煩躁。表症也。宜散表。脈伏之煩躁。伏邪也。宜升提。沉數之煩躁。裏熱也。宜清熱。沉遲之煩躁。裏寒也。宜溫經。雜症煩躁。另具大方條內。

太陽篇曰。傷寒欲自解者。必先煩。乃有汗而解。何以知之。脈浮。故知汗出解。

此首揭傷寒表症。若欲作汗。必先見煩熱躁悶。呻吟不寧之候。何以知之。以浮脈見煩。故知汗出而解。

太陽病初服桂枝湯反煩不解者先刺風池風府却與桂枝湯則愈。

太陽中風當用桂枝解肌今服後反煩者太陽之邪充塞肌竅刺風池風府泄其所鬱之熱再與桂枝則愈矣。

中風發熱六七日不解而煩有表裏証渴欲飲水水入即吐者名曰水逆五苓散主之多服煖水汗出愈。

此條即太陽熱結膀胱之煩詳註發熱

太陽脈浮動數頭痛發熱微盜汗出反惡寒者表未解也醫反下之動數變遲膈內拒痛短氣躁煩心中懊憹陽氣內陷心下因鞅則為結胸大陷胸湯主之。此條言表邪未解誤下變結胸當用結胸法。

結胸証具煩躁者即死。

結胸証見煩燥則內水將竭矣下之則死不下亦死。

傷寒發汗解半日許復煩脈浮數者可更發汗宜桂枝湯。

發汗後只解得半日許又復煩脈又浮數不可更行麻黃用桂枝湯解肌發汗。

傷寒下後心煩腹滿。臥起不安者。梔子厚朴湯主之。

煩而腹不滿。表症也。腹滿不煩。裏症也。既煩且滿。雖經下後。邪在半表半裏。故以梔子去煩。厚朴泄滿。

傷寒醫以丸藥。大下之。身熱不去。微煩者。梔子乾姜湯主之。

大下。過下也。腸胃因寒。用梔子去煩。加乾姜以煖中。

下之後。復發汗。晝日煩躁不得眠。夜而安靜。不嘔不渴。無表症。脈沉微。身無大熱者。乾姜附子湯主之。

晝夜煩躁。乃是陽症。今以汗下後。夜則安靜。且不嘔不渴。外無表症。脈又沉微。身無大熱。此本是陽症。因汗下太過。故用溫中之藥。

太陽中風。脈浮緊。發熱惡寒。身疼痛。不汗出而煩躁者。大青龍湯主之。

太陽中風症。又見浮緊傷寒脈。發熱惡寒。身疼痛。不汗出。煩躁之傷寒症。故用大青龍湯。雙解營衛之邪。

太陽病。脈浮緊。無汗發熱。身疼痛。八九日不解。表症仍在此。當發其汗。服藥已

微除其人發煩熱目瞑刺者必衄衄乃解所以然者陽氣重故也麻黃湯主之
麻黃湯主之一句在當發其汗下看從前諸註皆誤也詳註衄血條內。

服桂枝湯大汗出後大煩渴不解脈洪大者白虎湯主之

傷寒無大熱口渴心煩背惡寒者白虎加人參湯主之

二條詳註口渴重在煩故用白虎

太陽病若吐若下若發汗微煩小便數大便因鞭者與小承氣湯和之愈此
條詳註大便鞭

病人不大便六七日繞臍痛煩躁發作有時者此有燥屎故使不大便也

一派下症不立下法而大承氣湯在矣

得病二三日脈弱無太陽柴胡症煩躁心下硬至四五日雖能食以小承氣湯
少少微和之令小安與承氣湯一升若不大便六七日小便少者雖不能食但
初頭硬後必澹未定成硬攻之必澹須小便利屎定硬乃可攻之宜大承氣湯
脈不浮緊非表脈無太陽少陽表症見煩躁心下硬明表解而為裏熱煩躁

矣。詳註大便結內。

陽明病。不吐不下。心煩者。可與調胃承氣湯。

言陽明病。無太陽少陽表症。不吐不下。未曾傷其腸胃。若有心煩。是裏熱。調胃承氣湯可與。

傷寒六七日。無大熱。其人煩躁者。此為陽去入陰故也。

六七日傳裏之時。身無大熱。表邪已解。其人反煩躁。則陽邪傳入於裏。宜用清裏之法。

梔子乾姜湯

梔子 乾姜

陽症煩躁用梔子。陰症發躁用乾姜。今因本是陽症。宜清不宜下。反誤下之。身熱不去而微煩。故以二味合用。仲景常以一味解表藥。一味清裏藥。和解表裏之邪。今以化出一味寒藥。一味熱藥。和解冷熱不調。誤下後之身熱。心煩。極開化方用藥之妙悟。

梔子厚朴湯 即清氣湯

梔子 厚朴 枳實 小便不利加水通大便結有下症加大黃

梔子豆豉湯治心煩懊憹腹不滿重在懊憹此方去豆豉加厚朴枳實治心煩腹滿不懊憹重在腹滿觀此二方加減治煩全在懊憹腹滿二症上分別因此悟得仲景治寒傷營無汗煩躁用麻黃湯風傷衛有汗煩躁用桂枝湯營衛兩傷之煩躁用大青龍湯熱結膀胱小便不利之煩躁用五苓散膈內拒痛結胸煩躁用大陷胸湯大汗出煩渴背惡寒用白虎湯無表症煩躁心下硬用大承氣陽症誤下變陰身熱不去之微煩用冷熱各半之梔子乾姜湯下後復發汗晝日煩躁夜則安靜身無熱之亡陽症用乾姜附子湯要知表症煩躁當汗之裏症煩躁當清之邪在半表半裏當和解之有表復有裏當雙解之陰躁致煩溫之灸之推而廣之凡治病當如是也

大青龍湯

麻黃 桂枝 甘草 杏仁 生姜 石膏 大棗

桂枝湯。治風傷衛之輕症。仲景之輕方也。麻黃湯。治寒傷營之重症。仲景之重方。其大青龍湯。恐麻黃湯太峻。故加大棗生薑補養胃氣。加石膏。制麻桂辛溫。以煩躁之症。忌用溫熱。此變麻黃湯重方。而為稍輕之劑。後代皆註此方太峻。似乎反重於麻黃湯。千古差謬。

桂枝湯 見惡寒

羌活湯 見發熱

防風湯 見身痛

五苓散 見小便不利

羌獨朮通湯 見發熱

葛根湯 見似瘧

升麻乾葛湯

升麻 乾葛 白芍藥 甘草

陽明表邪煩躁。難用原方。葛根湯辛溫。以此方治之。若無汗惡寒。加羌活防風。

去白芍。胸前飽悶。加枳殼。桔梗。煩渴消水。加知母。石膏。

白虎湯 見潮熱

承氣湯 見潮熱

譫語

譫語者。語言狂妄也。陽明熱極。上乘心肺。則神志不清。輕者睡中呢喃。重者不睡亦語。經云。譫語獨語。語言不休。與夫狂言亂等症。由其病之輕重而立名也。今分別表熱譫語。心熱譫語。胃熱譫語。肺熱譫語。食滯譫語。燥屎譫語。疫熱譫語。畜血譫語。八條分別。表熱譫語者。身雖大熱。兩足獨冷。或痲痧內伏。或風濕相搏。一身盡痛。邪不外泄。內攻譫妄。病在太陽。羌活湯。病在陽明。升麻葛根湯。在少陽。柴胡湯。心熱譫語者。動則狂驚。靜則自笑。舌胎黑刺。時時昏沉。無一刻清爽。左寸脈數。導赤各半湯。胃熱譫語者。時或狂妄。時而清爽。唇焦口渴。舌生黃胎。右關脈數。清胃湯。三黃巨勝湯。手足多汗。表邪未解。下症急者。大柴胡。大乾葛湯。選用。肺熱譫語者。肺主藏魄。肺受火傷。則魂魄不寧。時或悲泣。時或

咳噎涼膈散主之。食滯譫語者。外冒風寒。內傷飲食。邪食膠固。則發譫語。惟以唇不焦。舌不乾。渴不消水。與裏熱譫語為異。治宜保和散。倍加枳實石菖蒲山查萊菔子。食滯初起。須用探吐之法。隨用消化之藥。若早用寒涼凝滯。則譫語益甚。若下早。則胸前結聚。而成結胸。即有便閉脹痛。應下之症。亦止宜用芒硝玄明粉。以硝消堅。行而不滯。切忌用大黃重濁凝滯之味。燥屎譫語者。胸中有邪熱。腹中有燥屎。熱結在裏。下不得泄。上熏心肺。唇焦口燥。臍腹脹滿。大便不通。手足時時多汗。此下症譫語也。三承氣湯選用。痰熱譫語者。心胃有痰。火攻冲胞絡。則君主不寧。而多譫語。此症口亦不渴。舌上滑胎。若服寒涼。則譫語愈甚。宜導痰湯。大便結者。指迷丸。吳氏以竹瀝一盞。生括蕞根。打爛絞汁。一盞溫服。滌痰清熱。下順大便。不比寒凝食滯不語之症。忌用寒涼清潤之藥。畜血譫語者。漱水在口。不得下咽。身目發黃。言語若狂。此上焦血也。小腹脹滿。小便反利。下焦血也。在上者犀角地黃湯。加紅花當歸。在下者桃仁承氣湯。

陽明病譫語。發潮熱。脈滑而疾者。小承氣湯主之。因與承氣一醜。腹中轉失氣。

者更服一酸。若不轉失氣者。勿更與之。明日不大便。脈反微澀者。裏氣虛也。為難治。不可更與承氣湯。

詳註潮熱條自此以下四章。詳別謔語。用承氣法。

陽明病謔語。有潮熱。反不能食者。胃中有燥屎五六枚也。若能食者。但鞭耳。宜大承氣湯。詳註潮熱條。

陽明病。其人多汗。以津液外出。胃中燥。大便必鞭。鞭則謔語。小承氣湯主之。若一服謔語止。勿更服。詳註自汗條。

汗出謔語者。以有燥屎在胃中。此為風也。須下之。必過經乃可下。下之若早。語言必亂。以表虛裏熱故也。下之則愈。宜大承氣湯。

此章以表虛裏熱三句。在須下之下者。千古錯解。詳註自汗條。須互相查攷。夫實則謔語。虛則鄭聲。鄭聲重語也。

實邪謔語。狂妄不一。正氣不足。止將一語反覆言之也。

直視謔語。喘滿者死。下利者亦死。

直視譫語。惡候也。又見喘滿。其死必矣。若見下利。亦必死。發汗多。若重發汗者。亡其陽。譫語。脈短者死。脈和者則不死。

陽實譫語。邪亂神明。尚為可治。亡陽譫說。神魂無主。故脈短者死。脈和者尚可不死。

傷寒四五日。脈沉而喘滿。沉為在裏。而反發其汗。津液越出。大便為難。表裏虛實。久則譫語。

脈沉為邪在裏。今反發其汗。則津液越出。腸胃乾涸。大便為難。仲景雖不立方。然微和胃氣。躍然言內。

傷寒若吐若下後不解。不大便五六日。上至十餘日。日晡所發潮熱。不惡寒。獨語如見鬼狀。若劇者發。則不識人。循衣摸牀。惕而不安。微喘直視。脈弦者生。溢者死。微者但發熱譫語者。大承氣湯主之。若一服利止。後服。

吐下後不解。又不大便。獨語如見鬼狀。發則不識人。循衣摸牀。惕而不安。微喘直視。脈弦尚有生理。脈澀者死。若脈微但發熱譫語。無以上惡候。可與承

氣湯。若一服而大便利。即不可再服。

羌活湯

升麻葛根湯

柴胡湯

三方見惡寒。

導赤各半湯

川連

甘草

生地

木通

知母

滑石

麥冬

山梔

黃芩

犀角

心熱。謔語。宜清心經之熱。欲清心熱。莫如先利小便。

清胃湯

川連

升麻

生地

山梔

甘草

謔語。清心熱。一法也。亦有胃熱謔語。宜先清胃者。故先立導赤各半湯。又立清胃湯也。

三黃巨勝湯

黃芩

黃連

大黃

山梔

石羔

此因三陽經皆熱。故以三黃湯兼清三陽。加石羔山梔。則功力巨大。

大乾葛湯

見頭痛

謔語有下症者。理宜承氣湯。若尚帶陽明表邪。家祕以乾葛石羔加大黃枳殼。雙解陽明表裏。此從大柴胡雙解少陽表裏法中。化立此方。要知清胃湯。清足陽胃熱者。大乾葛湯。清手陽明大腸熱者。

涼膈散

桔梗 黃芩 山梔 連翹 玄參 天花粉 薄荷 甘草 黃連

玄明粉

心熱胃熱謔語。人所知之。至於肺熱。人多不知。上焦熱甚。則神魂迷蕩。故涼膈清神。持治謔妄。

枳石平胃散

熟蒼朮 厚朴 廣皮 甘草 枳實 石菖蒲 山查肉 萊菔子

食滯胃家。外冒表邪。寒凝抑遏。皆發謔語。故立平胃保和散。倍加枳實菖蒲萊菔子。

導痰湯

半夏 南星 枳實 赤茯苓 橘紅 石菖蒲 甘草 海石 有熱加黃連

食滯譫語用平胃消導。若痰結中脘又當消痰。

指迷丸

半夏 陳皮 甘草 白茯苓 枳實 玄明粉

痰結胃家用導痰方法。熱痰下結大腸當用指迷丸。

犀角地黄湯 見身痛衄血

譫語如狂亦有血症諦者。以此方出入加減。

桃仁承氣湯 見畜血 大承氣湯 見便秘

發狂

經云邪入於陽則狂。又云重陽為狂。傷寒書以熱毒入胃併入於心。遂使狂言妄語。大渴引飲。然此指熱甚一條而言也。夫發狂症內傷有痰熱。挾食驚氣。畜血。血虛失精。神不守舍。七者之分。今外感以表邪壅閉。裏熱內結。血畜。癩毒。挾

痰食滯陰躁七者之別。未可概以火熱治之。而犯誤下寒涼抑遏之弊也。表邪壅閉者。其人素有積熱。外冒表邪。不得發泄。內擾神明。遂使志識昏迷。但見狂妄。即有表邪。因內有積熱。不宜辛溫發散。無汗。脈浮數。先以羌活沖和湯散表。後以雙解散。和解表裏邪熱內結者。六脈沉數。唇焦口渴。手足多汗。狂亂譫語。二便閉澀。當以黃連解毒湯。涼膈散。導赤各半湯。清和裏熱。若大便不通。有下症者。承氣湯下之。畜血發狂者。如狂喜忘。漱水在口。不能下嚥。寸脈見芤者。血畜上焦也。當歸桃仁湯主之。小腹硬滿。小便自利。尺脈見芤者。血畜下焦也。桃仁承氣湯。甚者抵當湯。斑毒發狂者。內伏痧毒。外被風寒所束。或食生冷抑遏。或因食滯中焦。痧毒不得發越。內擾神明。左脈或浮或躁者。羌活敗毒散。生冷抑遏。食滯中焦。右脈滑大者。保和散。平胃散。時氣發狂者。四時之疫氣。沿門。患之。當察時令所屬。應發表者。羌活敗毒散。應和解者。雙解散。應清涼者。涼膈散。黃連解毒湯。另有挾食發狂者。外感時令。內傷飲食。滯於中焦。則多譫語。症似陽狂。但脈大不數。口不消水為異。亦宜平胃保和散等煎湯服之。又有挾痰發

狂者。中脘有痰。胸膈痞滿。迷塞包絡。口出無倫語。症似陽狂。但唇不焦。口不渴。舌有滑胎。痰在上焦。寸脈滑大。法先吐之。鹽豉湯探吐。痰在中焦。關脈洪滑。二陳湯加竹瀝胆星。有結痰痰積者。加海石瓦礫子。脅肋脹滿作痛。有竇候者。先以導痰湯服之。有下症者。以滾痰丸下之。陰躁發狂。另具陰症門。

太陽病不解。熱結膀胱。其人如狂。血自下者愈。其外不解者。尚未可下。當先解外。外已解。但小腹急結者。乃可攻之。宜桃仁承氣湯。

太陽病六七日。表症仍在。脈微而沉。反不結胸。其人發狂者。以熱在下焦。小腹當鞭滿。小便自利者。下血乃愈。所以然者。以太陽經淤熱在裏故也。抵當湯主之。

太陽病身黃。脈沉結。小便鞭。小便不利者。為無血也。小便自利。其人如狂者。血症諦也。抵當湯主之。三條詳註畜血。

陽明病初欲食。小便反不利。大便自調。其人骨節疼。翕翕如有熱。奄然如狂。漑然汗出而解者。此水不勝穀氣與汗共併。脈緊則愈。此條詳註身痛。

羌活冲和湯。冲和湯。見發熱。

發狂不用表藥。今以表邪未解。故先散表邪。然後或清熱。或消食。或消痰。雙解散。

羌活 葛根 柴胡 防風 荊芥 石羔 黃芩 滑石 山梔 連翹

知母 甘草 桔梗

表邪發狂。止須解表。裏熱發狂。止須清裏。若表裏俱見之症。以此方雙解表裏。黃連解毒湯。

黃連 黃芩 黃柏 山梔 石羔

發狂之症。外無表邪。裏無痰食。則以此方清裏熱。

涼膈散

桔梗 天花粉 連翹 薄荷 黃芩 大黃 芒硝 山梔

心藏神。肺藏魄。心肺為邪熱所冒。則神識昏迷。狂言譫語。故以此方清上焦心。肺之熱。

承氣湯 見大便結。

狂亂係熱結在裏。故大便不通而狂亂者。宜用此方。

導赤各半湯

木通 生地 甘草 黃連 知母 滑石 麥冬 山梔 黃芩 犀角

心為熱。冒則發譫狂。故以導赤散合瀉心湯。上清心經之火。加滑石。導心火下通小便而出。加知母。山梔。黃芩。兼清上焦肺火。以利小便。莫如清肺。清肺熱。又莫如利二便也。

當歸桃仁湯

當歸 桃仁 紅花 丹皮 山查 澤蘭葉

如狂喜忘之症。血結者多。故以此方治之。不應再加枳殼。大黃。直達大腸。

桃仁承氣湯 見畜血。

血停上焦。用上。兼化兼行。血畜下焦。用此方。

抵畜湯 見畜血。

此方行血至重。然淤血沉結。非此不可。

羌活敗毒散 見發熱

疫毒必從毛竅口鼻感入。故疫症發狂見表症者。宜先散疫毒。

保和丸

山楂 麥芽 萊菔子 熟半夏 連翹 香附 枳殼 熱甚加梔連濕

鬱痞滿合平胃散石菖蒲。

發狂症皆以陽火主治。亦有食滯中焦。生冷抑遏。故特補此消導法門。

二陳竹瀝胆星湯

熟半夏 白茯苓 陳皮 甘草 胆星 竹瀝 寒涼凝結加生薑。內有

積熱加梔連。濕鬱合平胃散。氣結加枳殼。香附石菖蒲。

滾痰丸

礞石 黃芩 大黃 黃柏 沉香

胃實食重。熱結大腸。用承氣湯下之。表邪下早。內陷心胸。用陷胸湯下之。今熱

痰膠固腸胃。以此方下之。

嘔吐

有聲無物為嘔。有物無聲為吐。有物有聲為嘔吐。仲景有乾嘔條。嘔而無物之謂嘔吐症。以內傷論。皆在陽明胃家。以外感論。有各條分別。若惡寒發熱脈浮而數。初起胸滿而嘔。此太陽外感風寒胃家內有痰飲。以羌活湯散太陽表邪。合保和平胃散加乾葛。消胃家痰。飲食滯。若寒熱嘔而口苦脈見弦數。此少陽經表邪嘔苦之症。小柴胡湯治之。若初起兼有飽滿嘔吐。亦是胃家夾食。佐以保和平胃散。若目痛鼻乾。先渴後嘔。無汗脈浮大。此陽明外有表邪。內有積熱。以乾葛清胃法治之。若有汗脈數嘔而消水。此燥火嘔吐也。知母石膏湯。沖竹瀝蘆根汁。若嘔而不渴。身不大熱。此濕火嘔吐也。梔連半夏湯。加白豆蔻。厚朴竹茹。若惡心嘔吐。六脈滑大。不數發熱。而口反不渴。此痰飲食積嘔吐之症也。平胃保和散。二陳導痰湯。加乾葛竹茹治之。若口臭牙疼。二便赤澀。此積熱痰火嘔吐也。升麻清胃湯。二陳湯竹茹湯。加川連白豆蔻。若脅肋刺痛嘔吐酸水。

此肝木火冲之嘔。小柴胡加梔連竹茹。總之無痰涎。不嘔吐。故熱病嘔吐。皆痰飲火邪上冲。用竹茹半夏化痰涎。梔連清胃火。家秘以竹茹半夏湯。加梔連白豆蔻。其吐立止。若夫時行熱病。汗出不解。足冷耳聾。煩悶咳嘔。此疫毒癘症嘔吐也。羌獨敗毒散。升麻乾葛湯。升麻清胃湯。若燥邪時疫嘔吐。加知母石膏。竹瀝半夏。冲蘆根汁。生梨汁。熱服。方書云。嘔家多服生姜。此指胃寒痰飲嘔吐而言。若胃熱者。不與川連同用。寧不增病邪。惟三陰經胃寒嘔吐。乃用理中湯等溫劑。此書專為傷寒熱病。故三陰不發熱。嘔吐另具症。因脈治中也。

大陽中風。陽浮而陰弱。陽浮者熱自發。陰弱者汗自出。齋齋惡寒。浙浙惡風。翕翕發熱。鼻鳴乾嘔。桂枝湯。

脈浮自汗。翕翕發熱。此即大陽中風症。故解肌散表。則嘔自止。

凡服桂枝湯吐者。其後必吐膿血。

服桂枝而吐者。胃必熱。胃熱得桂枝後。必吐膿血。

發汗後。水藥不得入口。為逆。若更發汗。必吐下不止。

太陽熱結膀胱下部症發表為逆。故水藥不得入口。若再發汗。必氣升而吐利不止。

中風發熱六七日不解而煩。有表裏症。渴欲飲水。水入即吐。名曰水逆。五苓散主之。多服煖水。汗出即愈。

此承明太陽熱結膀胱表裏吐逆之症。應用五苓治者。

太陽中風下利嘔逆。表解者乃可攻之。其人熱熱汗出發作。有時頭痛。心下痞鞭滿。引脅下痛。乾嘔短氣。汗出不惡寒者。此表解裏未和也。十棗湯主之。

太陽中風下利嘔逆。表邪已解。脅下痛。乾嘔短氣。此兼懸飲。宜十棗湯治者。太陽病或已發熱。或未發熱。必惡寒。體重嘔逆。脈陰陽俱緊。

此申明寒傷營之嘔逆症。必發熱惡寒。身體重痛。嘔逆而無汗。脈陰陽俱緊者。傷寒二三日。心下悸而煩者。小建中湯主之。嘔家不可用建中湯。以甜故也。

本言悸煩症治。引出嘔家用藥。禁忌甘甜。沉膈。

傷寒發熱。汗出不解。心下痞鞭嘔吐而下利者。大柴胡主之。

心下痞而鞭而下利者通。因通用之下症也。尚有發熱嘔吐。止可用大柴胡湯。

傷寒六七日發熱惡寒。肢節煩疼。微嘔。心下支結。外症未去者。柴胡桂枝湯主之。

詳註惡寒門。太陽少陽二經外邪未去而微嘔。故用柴胡桂枝湯。

傷寒胸中有熱。胃中有邪氣。腹中痛。欲嘔吐者。黃連湯主之。

胸中有熱。胃中有邪。腹中痛。言濕熱上沖嘔吐。故以黃連湯治火逆。前書皆註邪氣為寒氣。誤也。

傷寒吐後腹脹滿者。與調胃承氣湯。

腹脹滿。雖是下症。但吐後止。可用調胃承氣湯。

傷寒嘔多。雖有陽明症。不可攻之。

嘔屬上焦病。即有陽明裏症。亦不可攻下。

食穀欲嘔者。屬陽明也。吳茱萸湯主之。得湯反劇者。屬上焦。

傷寒大白 卷二
食穀欲嘔。似陽明胃寒。若服溫藥反劇者。乃是上焦熱邪。

傷寒五六日中風。往來寒熱。胸脅若滿。默默不欲飲食。心煩喜嘔。或胸中煩而不嘔。或渴。或腹中痛。或脅下痞鞭。或心下悸。小便不利。或不渴。身有微熱。或咳者。小柴胡湯主之。

此條歷敘少陽中風邪在半表。半裏。默默不欲食。心煩喜嘔。並以小柴胡湯加減治之。

太陽與陽明合病。不下利。但嘔者。葛根加半夏湯主之。太陽與陽明合病者。必自下利。葛根湯主之。

二條皆是太陽陽明合病。但以下利嘔者。別病在足。陽明胃以不嘔下利者。別病在手。陽明大腸。故同用葛根湯。惟以加半夏。以見其和胃止嘔。以去半夏。便是升散大腸風邪內陷。

太陽與少陽合病。自下利者。與黃芩湯。若嘔者。黃芩加半夏生姜湯。

太陽與少陽合病。同自下利。以不嘔。用黃芩湯。若嘔吐。黃芩湯中加半夏生

姜。上下二章互發嘔吐症。半夏生姜必用者。

太陽之為病。腹滿而吐。食不下。自利益甚。時腹自痛。若下之。必胸滿結鞭。

此條太陽經。外有表熱。裏有寒邪。而嘔利也。若誤用下法。則變胸滿結鞭矣。傷寒本自寒下利。醫復吐下之。寒格更逆吐下。若食入口即吐。乾姜黃連黃芩人參湯。

言傷寒則為熱病。若陰症自寒下利。吐下之即死矣。豈尚可用芩連乎。因其人表熱裏寒下利。醫者誤認挾熱。復吐下之。則寒格而食入口即吐出。故用乾姜溫其寒。芩連折其熱。

嘔而發熱者。小柴胡湯主之。

嘔吐而發熱。陽邪傳少陽。故用小柴胡湯。

羌活沖和湯。見發熱。

保和平胃散。

嘔吐有表邪。用前方。有食滯。用此方消導。

小柴胡湯

小柴胡湯。有柴胡黃芩。無竹茹枳實。清胆湯。有竹茹枳實。無柴胡黃芩。加二味。則二方合之。又加藿香厚朴。以利胃止嘔。

乾葛清胃湯

乾葛 石羔 熟半夏 厚朴 廣皮 甘草

乾葛解表。石羔清裏。加半夏厚朴廣皮。化痰涎。和胃止嘔。

羌獨敗毒散 見發熱

此方散表邪。則疫毒散而嘔吐止。故曰敗毒散。

升麻葛根湯 見發熱

疫邪癰痧。伏於陽明胃經。嘔吐用此方。升散陽明。則癰出吐止。

蒼朴導痰湯

痰飲水濕。伏於胃家。每多嘔吐。故用燥濕化痰。非外感熱病。漫用燥藥。

桅連二陳湯

前方治有痰無火者。此方加川連白豆蔻竹茹厚朴。治有痰有火者。
竹茹湯

竹茹 乾葛 陳皮 半夏 甘草 藿香

嘔吐屬胃。此方以乾葛竹茹清胃。廣皮甘草和胃。無涎不成嘔。故加半夏化痰。涎應辛散者。加生姜。應清火者。加梔連白豆蔻。若帶表症。加各經表藥。若中氣加藿香厚朴。若飽悶有食滯。加消導之藥。

黃連湯 見腹痛

胃寒而吐。用理中湯。吳茱萸湯。胃熱而吐。用黃連湯。若熱痰嘔吐。梔連二陳湯。食滯熱嘔。梔連保和散。口渴熱嘔。合乾葛石姜湯。

黃芩加半夏生姜湯

太陽少陽合病。當用桂枝芍藥黃芩湯。今見嘔吐。故加半夏生姜。

乾姜黃連黃芩湯

乾姜 黃連 黃芩 人參

此方寒熱並用。統治悞下致嘔者。加廣皮半夏。即合瀉心湯方法。

喘逆

喘者。促促氣急。正傳云。哮以聲響名。喘以氣息言。河間云。病寒則氣衰而息微。病熱則氣盛而息粗。諸經皆令人喘。而肺胃二經者多。大抵喘而作嗽者。肺也。喘而嘔惡者。胃也。內經論喘不一。皆雜症之條。若傷寒論。惟曰有邪在表而喘。有邪在裏而喘。有水氣痰火而喘。若在表者。心腹不滿。不痛。脈浮。無汗者。宜發汗。冬月西北方。麻黃三拗湯。若內有熱者。越婢湯。南方三時。羌活湯。若熱邪入裏而喘者。心腹脹滿。外無寒熱。手足時時汗出。法當清熱。瀉心湯。涼膈散。有表邪。有下症者。大柴胡湯。有下症無表症者。三乙承氣。選用。水氣而喘者。先渴後嘔。動而有聲。宜祛水飲。小半夏湯。水寒射肺。風寒外束而喘者。小青龍湯。痰火喘者。乍作乍止。六脈滑數。施連二陳湯。加枳桔竹茹。總之頭痛身痛。惡寒身熱。而喘者。此太陽風寒表邪。宜散表。身熱多汗。煩悶喘渴。靜則多言。此暑熱喘逆。宜清暑湯。調益元散。口渴身熱。面赤多汗。唇焦喘咳。氣逆。此燥火喘逆。宜清燥

湯。知母石羔湯。括蕞根湯。食滯中焦。胸前飽悶。喘滿不得睡臥。平胃保和散。若喘而咳嗽者。此肺風肺熱之喘。詳註咳嗽門。

太陽病頭痛發熱。身痛腰痛惡風寒無汗而喘者。麻黃湯主之。

此太陽表邪之喘。詳註頭痛發熱門。

太陽與陽明合病。喘而胸滿者。不可下。麻黃湯主之。

胸滿多帶表症。故曰不可下。宜散表。互註胸滿條。

傷寒不解。心下有水氣。乾嘔發熱而咳。或喘者。小青龍湯。

詳註咳嗽條。言外邪不解。內伏水飲。當散表散飲。

傷寒心下有水氣。咳而微喘。發熱不渴。服湯已渴者。此寒去欲解也。小青龍湯。

發熱不渴。知心下有水氣。故以小青龍湯。今服此湯已後見渴者。此水寒已

去。病欲解。不必服小青龍。詳註欬嗽。

喘家有汗。桂枝湯加厚朴杏仁湯主之。

太陽風傷衛。當服桂枝湯。今兼喘。則加厚朴理胃氣。杏仁理肺氣。

太陽病下之微喘者表未解故也桂枝湯加厚朴杏仁湯主之喘家作桂枝湯加厚朴杏仁佳。

太陽病誤下之表邪不解而喘用桂枝湯當加平肺胃之藥故曰喘家用桂枝加厚朴杏仁乃佳

發汗後不可更行桂枝汗出而喘無大熱者可與麻黃杏仁甘草石羔湯主之發汗後飲水多者必喘以水灌之亦喘下後不可更行桂枝湯若汗出而喘無大熱者可與麻黃杏仁甘草石羔湯

上半節言發汗後不可再行桂枝下半節言下後不可再行桂枝湯汗下雖殊同是表邪未盡同是汗出而喘身無大熱故以此方雙解太陽此從太陽熱結膀胱用桂枝五苓散雙解下焦表裏法中化出雙解太陽上焦熱結之法也詳註自汗條宜互看

太陽病桂枝症醫反下之利遂不止脈促者表未解也喘而汗出者葛根黃芩黃連湯

此條誤下太陽不成結胸而成挾熱下痢喘而汗出詳註自汗門。

陽明中風口苦咽乾腹滿微喘發熱惡寒脈浮而緊若下之則腹滿小便難麻黃湯主之。

發熱惡寒脈浮而緊尚是太陽表邪若誤下之則腹滿而小便難麻黃湯主之。句在脈浮而緊之下。

陽明病脈浮無汗而喘者發汗而愈宜麻黃湯。

脈浮無汗而喘即從太陽表邪而治不必拘執陽明病故曰發汗則愈。

陽明病脈浮而緊咽燥口苦腹滿而喘發熱汗出不惡寒反惡熱身重白虎湯五苓散。

上條言脈浮而緊當散表此言咽燥口苦腹滿發熱汗出不惡寒反惡熱又當用白虎湯治咽燥五苓散治脈浮而緊腹滿身重。

傷寒四五日脈沉而喘滿沉為在裏而反發其汗津液越出大便為難表裏虛實久則譫語。

脈沉而喘。宜清裏熱。反發其汗。津液外亡。大便枯滯。此表無邪。裏有熱。故久則語。病人小便不利。大便乍難乍易。時有微熱。喘冒不能臥者。有燥屎也。宜大承氣湯。仲景每以小便利。驗屎定硬。今又以小便不利。以定下法。小便利。驗屎已定硬。故可下。小便不利。驗熱已入裏。故可下。大便乍難乍易。大腸有火之徵。故可下。時有微熱。潮熱互詞。故可下。喘冒不得卧。陽明胃實。故可下。

傷寒吐下後不大便。潮熱若劇。則不識人。循衣摸牀。微喘直視。脈弦者生。濇者死。症急。惟以脈定生死。脈弦陰未絕。故生。脈濇陰已竭。故死。

羌活湯 見惡寒

羌活冲和湯

太陽純表邪見喘。則用前方。若有表邪。又有裏熱。則用此方。

瀉心湯

見譫語

涼膈散

見發狂

裏熱作喘。當分肺胃心三經。主治前方瀉心下之熱。此方兼肺胃治之。

大柴胡湯

見潮熱

三承氣湯

見大便結

小半夏湯

熟半夏 廣皮 生姜

喘逆有痰火水飲之分此方治水飲喘逆而無火者。

小青龍湯 見咳逆

此方治內伏水飲外冒風寒而喘者。詳註咳逆條。

梔連二陳湯

梔子 川連 半夏 廣皮 白茯苓 甘草

前小半夏湯治無火之痰。此方治有火之痰。

清暑湯

川連 香薷 厚朴 甘草

香如性溫世傳清暑不知與黃連同用一冷一熱故能清暑邪。例如服六一散必用滾水泡服方能散暑邪而宣湊理。

清燥湯

桑葉 石羔 人參 麥門冬 枇杷葉 杏仁 阿膠 黃芩 知母

天花粉

此方以石羔黃芩知母花粉清潤上焦桑葉杏仁引入肺中。人參門冬阿膠潤肺生津。同一治熱治溼熱用苦燥治燥熱用涼潤。按燥溼分於二分。然春分應溼而未溼。至穀雨而始溼。秋分應燥而未燥。至霜降而始燥。故曰逢霜始燥。逢雨始溼。此言時令之正也。亦有溼時反燥。燥時反溼。又當從權變而治也。

知母石羔湯

知母 石羔 半夏 竹葉 麥門冬 甘草

火喘無痰者用石羔知母。火喘有痰又要加半夏。夫石羔寒涼同半夏亦能辛散痰涎。半夏辛熱同石羔亦能清熱和胃。此潤燥方中化出辛散痰涎定喘之法。兼可化治痰火嘔吐痰火咳嗽等症。

栝萸根湯

栝萸根 半夏 竹茹 枳殼 桔梗

前清燥湯。治肺燥喘逆者。知母石羔湯。治胃熱喘逆者。栝蔞根湯。治肺胃二經痰多喘逆者。

平胃保和散 見胸滿

此治食滯中焦喘滿不得臥者。用枳殼湯調下。

麻黃杏仁甘草石羔湯 四味

此方因汗下後汗出而喘。身無大熱。表症已減。桂枝湯不可用。故以麻黃加入杏仁石羔。清肺湯中雙解上焦之餘邪。而治喘逆。

乾葛黃芩黃連湯 三味

仲景喘而汗出有三條。其一以太陽汗後喘而汗出。身無大熱。其二以太陽下後喘而汗出。身無大熱。汗下不同。而同禁桂枝。同用麻黃甘草杏仁石羔湯。其三以桂枝湯症。反用承氣誤下。遂利不止。脈促。表未解。喘而汗出。則用葛根芩連主治。按第一第二條。汗下不同。以其病症同在太陽上焦。故同用麻黃甘草杏仁石羔湯。其第三與第三條。同是下後。同是喘而汗出。反不同方主治者。以

其病在陽明下焦協熱下利。故用乾葛苓連湯。

身重

傷寒門。有身痛。有身重。中寒門。有身痛。無身重。可知身重。皆是陽邪為患。非虛寒之謂。按身重。有風濕。有風溫。有風寒。有火逆。有中暍。如風濕相持。身體疼痛。不能轉側。羌活勝濕湯。重加防風。如風溫。身熱發汗。猶灼熱。身重多眠。防葛石羔湯。如風寒身重者。即作傷寒施治。若無汗。脈浮。惡寒發熱。手足或冷。即是表邪。急宜汗之。羌活湯。敗毒散。羌活勝濕湯。若表邪已解。裏有結熱。惡熱不惡寒。脈沉而數。口渴便赤。宜清裏。石羔湯。邪在半表半裏。宜和解。小柴胡湯。如火邪身重者。表汗未出。誤用火重。腰下重痺者。宜解火邪。如中暍發熱。身重。身痛。手足常冷。時時汗出。口渴齒燥。宜人參白虎湯。

太陽病。或已發熱。或未發熱。必惡寒。體重嘔逆。脈陰陽俱緊者。名曰傷寒。此條詳註惡寒。

脈浮宜以汗解。用火灸之。邪無從出。因火而盛。病從腰以下。必重而痺。名火逆也。

脈浮宜發汗解肌者。失解表誤以火灸兩陽相熏灼。邪無從泄。腰以下必火。開無汗。故必重痺。名曰火逆。

傷寒八九日。下之胸滿煩驚。小便不利。譫語。一身盡甚重。不能轉側者。柴胡加龍骨牡蠣湯主之。

下後變症。仲景立小柴胡湯。加桂枝治身重。加大黃治譫語。又加龍骨牡蠣。斂神收攝。制使大黃清裏熱而不下脫。制柴胡桂枝散表邪而不外越。以下後危症。外越不脫。又所當慎。

傷寒脈浮緩。身不疼。但重。乍有輕時。無少陰證者。大青龍湯發之。

言但重。乍有輕時。的是太陽表邪。攻注症。乍重者。寒傷營也。乍輕者。風傷衛也。言無少陰症。以明太陽症也。故用大青龍湯。

陽明病脈遲。雖汗出不惡寒者。其身必重。短氣腹滿而喘。有潮熱者。此外欲解。可攻裏也。手足濇然而汗出。此大便已硬也。大承氣湯。若汗多。微發熱惡寒。外未解也。其熱不潮。未可與承氣湯。

此章詳註潮熱。泛視之似乎身重之症。治宜攻裏。細玩之深言身重。宜發汗。未可攻裏。

三陽合病。腹滿身重。難以轉側。口不仁而面垢。謔語遺尿。發汗則謔語下之則額上生汗。手足逆冷。若自汗者。白虎湯主之。此條詳註自汗。

羌活勝濕湯

羌活 防風 蒼朮 黃柏 澤瀉 茯苓 廣皮 甘草

身重風濕居多。此方用三味以祛風。又以澤瀉茯苓利小便去濕。風濕兼寒去黃柏。加桂枝。

防風葛根石羔湯

防風 乾葛 知母 石羔 甘草

陽明風濕身重。家秘用此方。

羌活敗毒散 見惡寒

石羔湯

石膏 白芍藥 柴胡 升麻 黃芩 甘草 白朮 茯苓 附子

此治陽虛寒濕之眩運

苓桂白朮甘草湯

桂枝 茯苓 白朮 甘草

此治上虛不能制水水飲上冲眩運之症

天麻四君子湯 即四君子湯加天麻

此治氣虛眩運者有火加梔連有痰加半夏廣皮有寒加炮姜肉桂

天麻四物湯 即四物湯加天麻

身癢

內傷身癢有實有虛外感身癢悉是表汗未出故太陽症有身癢之條陽明病有身如蟲行皆是表邪無從而出故身癢但坐以汗出不徹之故夫表有風寒則身痛表有風熱則身癢總之陽邪怫鬱於肌表不得汗出則皮膚作癢太陽身癢羌獨敗毒散若陽明身癢乾葛防風湯少陽身癢柴胡防風湯原病式謂

腠理閉密。陽氣鬱結。不得散越。則發癢。故仲景用麻黃桂枝各半湯。辛散表邪。陽明篇曰。此久虛故也。言元氣久虛。津液不足之人。又冒外邪。因久虛之故。不能作汗逐邪。當散表邪。非言久虛而用補藥活人。妄以求附湯。黃芪建中湯。治最為遺禍。

太陽得之八九日。如瘧疾狀。發熱惡寒。熱多寒少。其人不嘔。清便欲自可。一二三日發。脈微緩者。為欲愈也。面色反有熱色者。未欲愈也。以其不得小汗出。身必癢。宜桂枝麻黃各半湯。

太陽症八九日。言如瘧狀。必其人不嘔。清便脈微緩者。有欲愈之機。若面反有赤色。尚是表邪未散。身必癢。故用發散表邪。

陽明病法多汗。反無汗。其身如蟲行皮中。狀者。此久虛故也。

陽明病本多汗。今反無汗。則外邪攻注皮中。如蟲行之狀。乃是元氣素虛。不能作汗逐邪。故也不立方。然散表補元。躍躍言外。

羌獨敗毒散 見發熱

乾葛防風湯

乾葛 防風 荆芥 甘草

太陽身癢不用麻桂各半湯。而用羌獨敗毒散。陽明身癢不用乾葛湯原方。而用此方。以表邪火鬱故耳。

柴胡防風湯

柴胡 防風 荆芥 甘草

太陽陽明身癢。用前二方。若少陽身癢。則此方治之。若三陽合病身癢。當以三方合用。

桂枝麻黃各半湯 見發熱

頭眩

傷寒頭眩。言睡在牀褥。亦覺頭眩眼花。非言坐起而覺也。夫外感風寒之症。坐起時。皆頭眩也。方書頭眩。皆以陽虛立論。愚以為久病後汗下吐後。方可言陽虛。若暴病及未曾汗下吐者。則風寒邪熱。痰火積飲。皆能眩運。吳氏書以太陽

中風頭眩。頭搖。脈浮弦而急者。羌活神朮湯。加防風天麻。此治太陽陽明外感風寒也。又云寒熱嘔而口苦頭眩。脈弦數。小柴胡湯。加川芎天麻。此治少陽頭眩也。余今酌定初起暴病。有表症而頭眩。無汗脈浮者。發散表邪為主。在太陽用羌活湯。在陽明用乾葛防風湯。在少陽用柴胡湯。以上惡寒者多加羌活。有風者多加防風。有火者加酒炒黃芩。連若表症已解。裏有結熱。又宜清裏熱。如桔梗湯。涼膈散。大凡眩運之症。一見嘔吐。即為痰飲食滯。急用保和。平胃。二陳湯。裏有積熱者。加山梔黃連。最忌凝滯。補劑。惟汗吐下及久病後。見頭眩者。當用溫中扶元。如建中湯。真武湯。苓桂白朮甘草湯。若氣虛者。四君子湯。加天麻。氣虛有火。加梔連。虛而有痰者。六君子湯。血虛者。四物湯。加天麻。血虛而有火者。加山梔黃連。若陰火上沖。知柏四物湯。

太陽病發汗。汗出不解。其人仍發熱。心下悸。頭眩身瞤動。振振欲擗地者。真武湯主之。

太陽病。誤用麻黃。以發汗。是以頭眩身瞤動。一派陽虛之症。故用真武湯。

傷寒若吐若下後。心下逆滿。氣上冲胸。起則頭眩。脈沉緊。發汗則動。經身為振。振搖者。茯苓桂枝白朮甘草湯主之。

言若吐若下後。久病胃虛。不能運化。虛邪搏飲。上冲。故頭眩。脈沉緊。非汗脈。強發汗。則振。振身動。故用苓朮桂湯。助中州化水飲。

傷寒吐下後。發汗虛煩。脈甚微。八九日。心下痞鞭。脅下痛。氣上冲咽喉。眩冒。經脈動。惕者。久而成痿。

此與上條同。是吐下後。因此症。心下痞鞭。脅下痛。氣上冲咽喉。似火似實。又見眩冒。經脈動。惕之虛候。攻補兩難。故曰久則成痿。

太陽與少陽併病。頭項強痛。或眩冒。時如結胸。心下痞鞭者。當刺大椎第一間。肺俞。肝俞。慎不可發汗。發汗則譫語。脈弦五六日。譫語不止。當刺期門。此條詳註項強。

陽明病。脈遲。食難用飽。飽則微煩。頭眩。必小便難。欲作穀疸。雖下之。腹滿如故。所以然者。脈遲故也。

陽明病脈遲胃寒也。飽則微煩頭眩。胃寒不能消水。穀停留腸胃。則小便難。而作穀疸。雖下之腹滿如故。何以知其然者。以脈遲。

陽明病。但頭眩不惡寒。故能食而效。其人必咽痛。若不效者不痛。

陽明病。不惡寒。又能食。胃熱也。效主於肺胃熱。上冲則肺熱。而效咽喉痛。設不效。則肺無火。咽亦不痛。

少陽之病。口苦咽乾目眩。

目眩口苦。胆經所主。故名少陽之病。

羌活神朮湯

羌活 蒼朮 石羔 防風 天麻

此治太陽風溼發熱眩運之症。若兼陽明加乾葛白芷。兼少陽加柴胡川芎。兼飽悶惡心。加半夏神麴。

小柴胡湯

柴胡 黃芩 廣皮 甘草 川芎 天麻 半夏

此治少陽寒熱眩運症。若惡寒加羌活防風。有火加梔連。

羌活湯 見惡寒

此治太陽惡寒發熱眩暈者。若胸前飽悶。合平胃保和散。嘔吐加半夏天麻。

乾葛湯 見似瘧

此治陽明表邪眩運者。若嘔吐飽滿。加半夏厚朴。惡寒無汗。加羌活防風。

桔梗湯

桔梗 半夏 陳皮 枳實

此治痰結飽悶眩運者。若惡寒發熱。加羌活防風。裏有積熱。加梔連。陽明見症。加白芷天麻。少陽見症。加柴胡川芎。

涼膈散 見發狂

平胃二陳湯 即蒼朴二陳湯

此治痰飲食積眩運之症。胸前飽悶。合保和散。加砂仁荳蔻。胃寒加乾姜。胃熱加梔連。

建中湯

白芍藥 桂枝 甘草

此治陽虛眩運之症。氣虛加人參。白朮。血虛加當歸。黃芪。

真武湯

口渴

溼熱則口不渴。燥熱則口渴。此以渴不渴分溼火燥火也。熱在血分則不渴。熱在氣分則作渴。此以渴不渴分熱在血熱在氣也。胃家痰食所滯則口渴而不消水。胃家邪熱所傷則渴而消水。此以消水不消水分痰食積熱也。實火口渴。脈實數能消水。虛火口渴。脈虛數不能消水。此以脈之虛實消水不消水分虛火實火也。邪熱在表則不渴。邪熱在裏則作渴。此以渴不渴分熱在裏熱在表也。太陽表熱不渴。若熱入膀胱之裏則煩渴。脈數小便不利。五苓散兩解表裏。切不可同陽明汗出口渴。誤用白朮有碍太陽表邪。陽明表熱則無汗而渴。葛根湯汗之。若熱邪入於陽明之經。汗出而渴。脈洪而數。白虎湯清之。若熱結在

下。小便不利而渴。猪苓湯。切不可同太陽小便不利。誤用五苓散。以礙陽明裏熱。若熱邪傳入陽明之腑。舌燥口渴。大便不通。手足多汗。有下症者。承氣湯。少陽裏熱。口苦咽乾。脈弦數而渴。小柴胡湯。去半夏加天花粉。三陽之熱傳入三陰。有熱深厥深。手足冷而渴者。然脈必數。神氣昏沉。小便必赤。此陽症似陰之渴也。仍用白虎湯。涼膈散。外有陽毒熱。病口赤唇黑。大渴引飲。三黃巨勝湯。涼膈散。又有中暑煩渴。乾葛石羔湯。調辰砂六一散。又有秋熱傷燥而發渴者。水梨汁。西瓜汁。沖飲之。未應石羔清燥湯。又有冬溫春熱。時疫發渴。又以欲飲水能消水為欲愈。以得水入胃。胃氣和。敷布周身。作汗外泄。則熱解而渴亦愈。若禁其飲水。則胃汁乾枯。無從作汗。而熱不解矣。大凡口渴之症。皆陽明氣分胃熱所致。故乾葛石羔乃渴症必用之藥。乾葛宣發陽明之鬱熱。石羔清潤陽明之裏熱。有連用石羔知母。渴不減。後用乾葛而愈者。此陽明表熱口渴也。有連服乾葛。渴不減。後用石羔知母而愈者。此陽明裏熱口渴也。同一陽明經病。同一陽明經藥。而失分表裏熱。則不見效。又如口燥唇焦。不能消水。以乾葛石

蒸治之不效。以痰飲食滯治之亦不效。此熱伏陽明血分。故唇焦不渴。易以升麻清胃湯。清陽明血分伏火而愈者。痲症中當有此症也。是以雜症中口渴有肺消腎消不足之症。今傷寒熱病一。惟陽明經熱。即有少陰口燥咽乾而渴。厥陰消渴飲水亦是陽明傳入三陰之熱病。是以仲景不設滋陰補血之方。於口燥咽乾條內者。良以滋陰之藥治血虛發熱之口渴。非治熱邪外盛口渴症者。中風發熱六七日不解而煩。有表裏症渴飲水水入即吐。名水逆。五苓散主之多服煖水汗出即愈。

此章首揭多汗發熱不解而煩渴欲飲水。此太陽有表有裏。用不得單表單清之藥。宜用五苓散上下分消表裏者。

太陽病發汗後。大汗出。胃中乾燥。煩不得眠。欲得飲水者。少與之。令胃氣和則愈。若脈浮小便不利。微熱消渴者。與五苓散。

此章分別不可用五苓散。宜用五苓之法。上段言發汗後大汗出。胃中乾燥。燥欲飲水。無脈浮小便不利。句。但可與飲水。焉可用五苓。下段多脈浮小便

不利之句。焉可不用五苓。前賢見一方在末句。皆註總治全章。誤也。

發汗已。脈浮數煩渴者。五苓散主之。

發汗已。脈浮數不煩渴者。可再發汗。今煩渴。此太陽熱結在裏。故以五苓散。雙解表裏。可見五苓散。惟太陽小便不利。脈浮煩渴。方可用。若陽明煩渴。小便不利。當猪苓湯。

傷寒汗出而渴者。五苓散主之。不渴者。茯苓甘草主之。

此章申明傷寒汗出。風傷衛之症。須分別渴與不渴。若一見渴。則為裏有結熱。可用五苓散。若汗出不渴者。則非熱結在裏。故不可用五苓散。觀仲景用五苓散。不重在小便不利治法之中。反詳於口渴引飲發熱多汗。表熱不減條內。可見意在雙解表裏。上下分消太陽耳。非利小便也。

本以下之。故心下痞。與瀉心湯。痞不解。其人渴而口煩燥。小便不利者。五苓散主之。

誤下太陽。心下痞滿。用瀉心湯。痞不解。反渴而煩燥。小便不利。此太陽之邪。

因下內陷。下結膀胱。故用五苓散。雙解表裏。按以上五條。皆反覆告誡。用五苓散。以治汗多熱不解。口渴煩躁之症。良以表熱不退。多用發表。口渴煩渴。多用清熱。今因汗出表不解。又見煩渴消水。此太陽表裏兩兼之症。又當雙解表裏。非單清單表所能愈者。

服桂枝湯。大汗出後。大煩渴不解。脈洪大者。白虎加人參湯主之。

煩渴。本白虎湯症。然惡寒無汗而渴。脈浮脈細而渴。脈伏不消水而渴。太陽汗多。表熱不解。表裏熱結而渴。皆禁白虎湯。此以服桂枝湯後。大汗後。大煩渴。脈洪大。此陽明表解裏熱之渴。故用白虎湯。

傷寒脈浮。發熱無汗。其表不解者。不可與白虎湯。渴欲飲水。無表症者。白虎加人參湯。

上章申明用白虎之症。此章又恐表邪未解。故復告誡。若傷寒脈浮。發熱無汗。表症不解。不可用白虎。即渴欲飲水。亦要看表症全無。方與白虎湯。

傷寒無大熱。口渴。心煩。背微惡寒者。白虎加人參湯主之。

上章關防表症不可用白虎。此章又恐口渴燥渴。心煩。津液有立盡之虞。故曰身無大熱。口渴燥渴。心煩者。裏熱已極。即有背微惡寒表症。亦用白虎湯。

傷寒病若吐若下後。七八日不解。熱結在裏。表裏俱熱。時時惡風。大渴。舌上乾燥而煩。欲飲水數升者。白虎加人參湯主之。

傷寒七八日不解。熱結在裏。舌乾燥而煩。直至消水數升。當用白虎湯。今以若吐若下後。故加人參。以救津液。

陽明病脈浮而緊。咽燥。口苦。腹滿而喘。發熱。汗出不惡寒。反惡熱。身重。心中懊。舌上白胎者。梔子豆豉湯。若渴欲飲水。口乾舌燥者。白虎加人參湯。若脈浮發熱。渴欲飲水者。小便不利者。猪苓湯主之。

此章分三條治法。詳註懊。懷。門。以梔子豆豉湯。治懊。懷。舌上白胎。又以白虎人參湯。治渴欲飲水。清陽明上焦之熱。若加小便不利者。又用猪苓湯。清陽明下焦熱結。

陽明病。汗多而渴者。不可與猪苓湯。以汗多。胃中燥。猪苓湯。復利其小便也。

上章立猪苓湯治法。此章防汗多者津液外泄。渴者內水已虧。不可用猪苓湯。

傷寒五六日。中風往來寒熱。胸脅苦滿。默默不能飲食。心煩喜嘔。或渴。或腹中痛。或脅下痞鞭。或心下悸。小便不利。或不渴。身有微熱。或欬者。小柴胡湯主之。傷寒中風有柴胡症。但見一症便是。不必悉具。若胸中煩而不嘔。去半夏人參。加括蕒實。若渴者。加人參括蕒根。去半夏。

此條歷敘少陽經之各症。而以小柴胡湯主治。惟以煩而嘔。則用半夏。若不嘔。去半夏人參。加瓜蕒實。若渴者。去半夏。加人參天花粉。

傷寒四五日。身熱惡風。頭項痛。脅下滿。手足溫而渴。小柴胡湯主之。

此申明上章一見少陽症。便以小柴胡湯主治。太陽篇有一些惡寒。頭疼。便是太陽施治。今少陽篇又云有柴胡症。但見一症便是少陽。玩兩篇互發見症治症之義。

少陰病。下利六七日。欬而嘔渴。心煩不得眠者。猪苓湯主之。

此申明少陰下利有寒熱兩途。今咳而嘔渴，心煩不得卧，此少陰熱利也。故用猪苓湯從下去熱。

少陰病得之二三日，口燥咽乾者，急下之。大承氣湯。

此申明少陰裏熱症，口燥咽乾而渴，則津液立竭，故用大承氣急下。少陰病自利清水，色純青，心下必痛，口乾燥者，急下之，宜大承氣湯。

此明凡用急下，必要見下症者。質清而無渣滓相雜，色青而無黃赤相間，熱極假陰之候，然必得心下硬痛，口燥咽乾而渴，方是裏實下症的據。

五苓散 見小便不利 乾葛湯 見似瘥。

白虎湯

知母 石膏 粳米 甘草

陽明表熱，口渴用乾葛湯。陽明表解裏熱，則用白虎湯。如小便不利，加滑石木通車前子。虛弱人加人參。

猪苓散 見小便不利。

陽明水液不分。口渴下利。以此方分利小便。

承氣湯 見大便結

熱邪傳入陽明之裏。則發渴消水。傳入少陰。則口燥咽乾而渴。故渴而大便結。有下症者。用此湯。

小柴胡湯 見寒熱頭眩

風盛為消。木能盜水。故少陽風發之瘧。消渴特甚。小柴胡去半夏。加天花粉。乃不易之常法。

導赤各半湯

火動於中。則多消渴。然諸火皆起於心。心與小腸為表裏。凡治心火。莫如利小便。此方導赤散合瀉心湯。專利小便。

三黃巨勝湯

黃芩 黃連 大黃 石膏

中有積熱。身熱多汗。二便赤閉。目赤唇焦。謔妄作渴。飲水則用此方。

涼膈散 見發狂

肺胃有熱多發渴此方雖用大黃不用枳殼與桔梗同用則涼上而不下行矣
乾葛石膏湯 見寒熱

陽明裏熱作渴用白虎湯陽明表裏皆熱亦用此方。

石膏清燥湯 見喘逆

熱在氣分口多渴燥熱為病口多渴清燥湯氣分藥也清氣分之燥熱則渴自止
大黃黃連瀉心湯

大黃 黃連 甘草

口渴皆係內熱瀉心下之火則熱退渴止

枳實梔子豆豉湯 見懊懣

食滯中焦每不作口渴然蒸釀日久亦能作渴故不用清熱治渴而以腐穀消
滯則渴自止

茵陳蒿湯

茵陳 梔子 大黃

發黃口渴全憑濕熱上起見故去熱退渴推此方為當。

升麻清胃湯

同一陽明症以渴而消水熱在氣分用乾葛清胃湯渴不消水熱在血分用升麻清胃湯治膏粱積熱亦用升麻清胃湯以血肉之物善傷血分耳。

若以陽明邪熱之口渴妄用膩膈之味則邪熱凝滯食氣痰飲膠結胸前蒸釀發熱其渴愈甚另有三陰下利陰寒之症亦有假作渴者然渴不消水小便清白為異耳

口燥

口乾燥者邪熱結聚上焦陽明胃經所主肺熱者亦有之肺熱涼膈散胃熱竹葉石膏湯身熱已減表邪已解有下症者三承氣湯選用少陽病口苦舌乾小柴胡去半夏加天花粉陽明病背惡寒口乾燥白虎湯熱傳少陰口燥咽乾而渴手足冷脈反沉瀆不治之症也按口燥與口渴不同口渴者口中尚有津液

但時時欲飲水。口燥咽乾者。口中燥裂。津液全無。仲景於背惡寒條。以口中和不乾燥者。為陰寒。若背惡寒。口乾燥者。為陽熱。然又當以消水不消水。小便清白。紅赤。以定寒熱。

唇焦

夫唇口焦裂。人身大病也。在雜症中。有脾肺心及腸胃五條。在外感門。惟手足陽明所主。上唇俠口屬手陽明大腸。下唇俠口屬足陽明胃。傷寒熱在太陽。則唇口不焦。熱傳在陽明。則唇口焦裂。故曰陽明燥熱。唇口焦裂。然又有分別唇焦而消水者。為燥熱。唇焦不消水者。為濕熱。又曰熱在氣分。則焦而口渴。熱在血分。則焦而不渴。又曰唇口焦渴而消水。胸前寬適者。為熱而無滯。宜清熱。渴不消水。胸前飽悶者。為熱而有食滯。宜消滯。此言足陽明胃上部熱也。唇口焦不渴不飲水。腹中煩滿者。為熱在大腸。有燥糞。此言手陽明大腸下部熱也。故唇焦之症。有用保和散消導上部胃家食滯而愈者。有用承氣湯去下部大腸燥糞而愈者。不獨涼膈清熱一法可盡之。例如熱邪謔語。唇焦口渴。渴而消水。

用涼膈散導赤各半湯清上焦燥熱者。食滯譫語唇焦口渴渴不消水用枳實
豆豉湯保和散沖竹瀝蘆薈汁潤燥消中焦滯者燥結大腸譫語唇焦用承氣
湯行下焦燥屎者另有熱病與發癩誤食葷腥油膩與熱邪癩毒結紐不解唇
口焦裂口臭牙疳渴不消水煩熱昏沉若以保和散等消穀食治之病必不減
若以乾葛石膏知母三黃清熱治之其熱愈甚若誤認大腸燥屎唇焦用承氣
湯下行逆治其死更速醫家至此束手待斃余以晚年之悟思得班邪熱毒伏
於腸胃蒸釀發出者也初起必用升麻乾葛湯宜發陽明伏毒若膏粱積熱非
升麻清胃湯不能宣揚腸胃積熱故清熱化癍必用余化此湯加山查檳榔若
食肉多再加三稜阿魏治夾食症常有得生者夫熱在氣分唇焦發渴用乾葛
石膏知母湯人人知之者熱在血分用升麻生地川連清胃湯主治人多忽之
不知乾葛清胃湯治陽明氣分渴水之唇焦口渴升麻清胃湯治陽明血分不
消水之唇焦口渴余以升麻清胃湯化癍此化法也又以此湯清陽明血分發
渴不消水是法外之法也今又以此湯治膏粱積熱葷腥發熱之唇焦此化外

化出者也。再詳仲景治太陽渴欲飲水微熱消渴者脈數煩渴者汗出而渴渴而口煩燥者不用清解上焦肺胃積熱皆用五苓散主治良以太陽汗多口渴表熱不減表裏皆病熱結膀胱下焦非同表熱裏熱單以發表退熱單以清裏止渴者故以五苓散雙解太陽也。夫口渴消水用清裏人人知之口渴消水有表邪用不得清裏人不知也。

衄血

雜症門衄血為裏症宜清裏外感門衄血為表症宜散表故曰外感衄血邪熱在經但有經絡之分總無寒熱之異同歸表熱而已。三陰經無衄血惟陽邪傳入少陰厥而無汗之症醫者見其手足冷而無汗誤認太陽表邪未伸用麻桂強發其汗陰血內動血從口鼻而出名下厥上竭此少陰裏熱誤用辛溫觸動陰血而上冲者也。戴氏云仲景論衄血宜發汗麻黃湯主之此治冬月傷寒太陽表症裏無積熱之衄非言三時熱令也。三時衄血即有太陽表症宜散表只用羌活冲和湯不可用麻黃桂枝湯若太陽之邪已經侵入陽明即要與陽明藥

互用。若陽明本經熱甚以致衄者。不用太陽之藥。當用升麻乾葛湯。以解陽明氣分之邪。隨用茅花湯。合黃芩芍藥湯。犀角地黄湯。升麻清胃湯。以解陽明血分之熱。海藏云。仲景言衄家不可發汗。汗之必額上陷。此為脈微裏有熱者言也。夫衄家脈浮緊。可發汗。若脈已微。表症已解。再發汗。則額上陷。故傷寒論云。衄血脈已微者。用黃芩芍藥湯。犀角地黄湯。此言裏熱衄血。宜涼血。不可用辛溫發散也。吳氏云。衄血之症。若脈浮緊。宜發汗。脈不浮緊。不可發汗。東垣治衄血。脈已微。黃芩芍藥湯。脈沉數。犀角地黄湯。余按仲景用麻黃湯治衄。乃是太陽經寒邪未散。脈浮緊之衄。東垣用黃芩芍藥湯治衄。乃是表散血熱。脈不浮緊而微者。黃芩涼血芍藥斂血。涼血斂血。則衄自止。再按用犀角地黄湯治衄者。是表邪解。脈沉數裏熱甚。宜清熱之衄也。夫犀角地黄。涼陽明血熱。又清肝腎之火。沉數之脈。熱在下焦。清肝腎下焦之火。血不上升。而衄不作。故仲景麻黃湯。但治冬月太陽表邪之衄。東垣黃芩犀角湯。治四時裏熱之衄。兼治內傷之衄。地黃引子。門冬引子。治內傷不治外感者。升麻清胃湯。治外感兼治內傷。

者。此治之分別也。外感之衄。脈大者易治。沉澁者難醫。內傷之衄。脈緩者易治。脈數者難醫。此脈之分別也。

太陽病。脈浮無汗。發熱身疼。八九日不解。表症仍在。此當發其汗。服藥已微除。其人發煩目瞑。劇者必衄。衄乃解。所以然者。陽氣重故也。麻黃湯主之。

太陽病。脈浮緊。無汗。發熱身疼痛。八九日不解。表邪不散。當以麻黃湯發其汗。今服麻黃藥。已病微除。其人發煩目瞑。劇則太陽之邪。不從汗解。必發鼻衄而解。其所以然之故。以太陽經熱邪重。今得麻黃辛溫。必上從陽明。入目絡。鼻之竅而出血矣。麻黃湯主之。五字。在當發汗之下。不然。陽氣太重。必衄乃解之後。何可再用麻黃湯也。

太陽病。脈浮緊。發熱身無汗。自衄者愈。

此言太陽發熱。脈緊無汗。應用麻黃湯。因其人邪微正旺。未服麻黃湯。自衄而病愈。承明上章衄而病解。不必再用麻黃湯也。

太陽傷寒。脈浮緊不發汗。因致衄者。麻黃湯主之。

上章既明不可多用麻黃湯。此條言夫用麻黃湯因而致衄。太陽症仍在。仍用麻黃湯。承明致衄後。太陽表邪不解。仍要發表。

太陽病中風。以火劫發汗。邪風被火熱。血氣流溢。失其常度。兩陽相重。灼其身。發黃。陽盛則欲衄。陰虛則小便難。陰陽俱虛。身體枯燥。

太陽傷寒未發熱。火劫發汗。尚不為害。太陽中風。陽邪症。火劫則邪熱被火。熱血氣妄溢。失其常度。其身必發黃。火傷於上。陰血足者。尚能作衄而解。火傷於下。陰血虧損者。必致小便不利。陰陽皆虛。而肌肉消燼。

陽明病。口燥但漱水。不欲下咽。此必衄。

此明鼻衄之症。非獨太陽之邪。侵入陽明。陽明本經。亦有成衄者。如陽明病。口燥。但欲漱水。在口。不欲咽下。此陽明熱在血分。亦必發衄。

脈浮發熱。口乾鼻燥。能食者則衄。

脈浮發熱。陽明表熱。口鼻乾燥。能食。陽明裏熱。表裏皆熱。則迫血妄行為衄。

升麻乾葛湯 見煩燥。

茅根湯 茅花一味

茅性清涼。根能涼血。止煩。花苗專涼上焦之血。故治衄。

黃芩芍藥湯

黃芩 白芍藥 川連 甘草

陽明表熱而衄。前方升麻葛根湯。陽明表熱而衄。用此湯。家祕加生地當歸。以當歸辛散。同芍連生地。則血涼而當歸經矣。

犀角地黃湯

生犀角 山梔 白芍藥 荊芥 牡丹皮 赤芍藥 生地 黃芩

此方不獨治衄。兼治咳血吐血。不獨治內傷肝腎血。即陽明外感。亦當從此方出入。加減。加黃芩荊芥。則血涼不上升。若大便實者。加當歸酒蒸大黃。其血立刻歸經。家祕用當歸同涼血藥。則下順歸經之功最大。

地黃飲子

生地 丹皮 天門冬 黃芩 地骨皮 白芍

此治肝腎精竭血燥勞瘵之方。若尺脈大。加黃柏知母。以外感發衄。皆因本元血分有火。故亦立此方。

門冬飲子

麥門冬 地骨皮 知母 石羔 生地 丹皮 白芍藥

此通治鼻血之方。若陽明表症。加升麻乾葛荊芥黃芩。若裏熱便結。加當歸大黃。乾葛石羔湯。

乾葛 石羔 知母 甘草 丹皮 生地 黃芩

此方專治外感衄血者。然此涼陽明氣分之藥。家祕加丹皮生地黃芩。則兼涼其血。

升麻清胃湯 見口渴

衄血皆陽明血中伏火。故以此方清陽明血分之熱。

畜血

方書皆以唇乾口燥。漱水在口不得下嚥。以定上焦畜血。小腹鞭滿。小水自利。

以定下焦畜血。至身黃如狂發狂。嘗忘。乃是畜血症中之症。故傷寒敘畜血症。與狂亂症中。互相發明。看傷寒以手按其心下。及兩脅。漸至大小腹。但有硬處。當詢其小便利否。若小便不利者。或是氣結溺澀。非畜血症。若小便自利。兼有身黃目黃。如狂喜忘。漱水不得下。噎等症。即是畜血急。以桃仁承氣湯。抵當湯下之。若小腹繞臍硬痛。口渴消水。大便不通。時有失氣。此非畜血。乃是燥屎硬滿。按畜血治法。有上中下三條。傷寒失汗。淤其血於上焦。用犀角地黄湯。如狂喜忘。心下滿。淤其血於中焦。桃仁承氣湯。小腹硬痛。小便自利。淤其血於下焦。抵當湯主之。然桃仁承氣湯。雖治中焦。並治下焦。抵當湯雖主下焦。兼治中焦。按仲景原文。其用抵當湯五條。用桃仁承氣者一。言有淤血當下者三。至犀角地黄湯。乃後人補入者。余謂衄血吐血。未曾淤畜內結者可用。若畜聚淤結。犀角地黄凝滯。當用桃仁承氣抵當湯。散結逐淤為當矣。若畜結既行。再以犀角地黄湯。當歸紅花湯。調血養血。亦為至當。陶氏云。上焦衄血。可用犀角地黄湯。如無犀角。以升麻代之。此因同散陽明血熱之藥耳。家秘治中焦血熱血結。恐

犀角凝滯，易以升麻清胃湯，加桃仁紅花。此又難用犀角，以升麻代之也。

太陽不解，熱結膀胱，其人如狂，血自下者愈。其外不解者，尚未可攻，當先解外。外已解，但小腹急結者，乃可攻之。宜桃核承氣湯。

此條不以小便利不利以定血，惟以其如狂，斷其蓄血下焦，當攻其血。然表邪未解，當先解外邪。表解，小腹脹急，乃可攻之。

太陽病六七日，表症仍在，脈微而沉，反不結胸，其人發狂者，以熱在下焦，小腹當鞭滿，小便自利，下血乃愈，所以然者，以太陽經淤熱在裏故也。抵當湯主之。

太陽病六七日，表症仍在，當散表，今脈微而沉，且不結胸，而發狂者，必血結下焦，而小腹鞭滿，小便自利，攻下其血乃愈。抵當湯主之。所以宜用此湯者，以淤熱在太陽下焦之裏故也。

太陽病身黃，脈沉結，小腹鞭，小便不利者，為無血也。小便自利，其人如狂者，血症諦，抵當湯主之。

太陽身黃，脈沉結，小腹鞭，有兩條。若小腹鞭而不狂，小便不利，此熱結膀胱。

之水當用五苓散。若小腹鞭，小便自利如狂者，此熱結下焦之血，故用抵當湯。二條並詳發黃。

傷寒有熱，小腹滿，應小便不利，今反利者，為有血也。當下之，不可用餘藥，宜抵當丸。

此條重申小腹滿，小便利者，的是有血。較上章多有熱二字，則易抵當為丸，以示留戀濃重去熱方盡。

陽明病，其人喜忘者，必有畜血，所以然者，本有久淤，故令喜忘。尿雖硬，大便反易，其色必黑，抵當湯下之。

此二章申明用抵當湯真訣。血淤於內，則喜忘，且大便硬，反潤滑易出，驗其色又黑，確是畜血，故用抵當湯。

病者胸滿痞癢，舌青，口燥，但漱水不欲下嚥，無寒熱，脈微大，來遲，腹不滿，其人自言吾滿，為有淤血。

胸滿痿黃，似脾胃濕熱，但舌青色，口燥，漱水不欲下咽，無寒熱，脈又微大來

遲。他人不見腹滿。自言脹滿。則外不脹。而內脹急。故斷其淤血。

病者如熱狀。煩滿。口乾燥而渴。其脈反無熱。此為伏陰。是淤血也。下之。

病如熱狀。且見煩滿。口乾燥而渴。其脈反不數大。乃是陽邪伏於陰分。故知其為淤血。宜下之。前條以脈大來遲。而斷其血。此條以脈反無熱。而斷其血也。

少陰病。脈沉細。手足冷。或時發燥作渴。亦漱水不欲嚥者。宜四逆湯溫之。

下利厥逆。無脈。乾嘔煩渴。欲漱口。不欲嚥。宜通白四逆湯。加猪胆人尿同服。厥陰。虵厥。口燥舌燥。時時欲涼水。浸舌反唇。一刻不可離。又不欲嚥下。宜理中湯加烏梅主之。

以上三條。言陰極發躁。亦有漱水在口。不欲嚥下者。故用四逆理中等湯溫之。

紅花桃仁湯

紅花 桃仁 赤芍藥 當歸身

此方行血而無推蕩。活血而無凝滯。家祕加山查香附。以散凝結。加山萸以散

熱結。加韭汁以散寒結。

犀角地黄湯 見衄血

此方本治衄血吐血。今因火傷上焦。故可用之。

桃仁承氣湯

桃仁 大黃 芒硝 桂枝 甘草

此湯加桃仁佐大黃。行下焦畜血。加桂枝散下焦凝結之血。家祕加枳朴。以血隨氣行。加當歸芍藥。去舊中即為生新地步。

抵當湯

水蛭 蟲蟲 桃仁 大黃

血畜下焦。沉結牢竇。直至小腹硬痛。不得不用此方。

當歸紅花湯 二味

此活血之方。非行血者。血虛人有停淤。以此方加山查桃仁。為輕行之法。

當歸桃仁湯 二味

此亦輕劑。但以桃仁易紅花。則稍重前方。此等方法。示後人婉轉。而成固莽。

下血

血從小便出者。名尿血。從大便出者。名便血。總其名曰下血。但有陰經陽經之分。並無寒熱之異。同歸於熱而已。傷寒論雖有少陰厥陰下血之條。皆是陽熱傳入陰經之症。經雖屬陰。症則陽症。陶氏一以為協熱是矣。一以為陰寒。悞也。此因雨溼之年。溼淫用事。溼毒外襲皮毛。內侵血分。令人身發寒熱。大便下血。腹反不痛。且用蒼獨敗毒散。辛溫散表。忌用寒涼抑遏。此宗內經溼淫所勝。治以辛溫之法。非陰寒而溫之也。陶氏以其用辛溫。故誤認陰寒而名之。不思內經云。歲火太過。民病血溢。血泄。少陰火氣內發。血溢血泄。夫血得熱則妄行。故無論外感諸血。以熱主治。即內傷。亦有心移熱於小腸。而尿血。用導赤各半湯者。小腸本經自熱。而病用火府丹。加木通滑石者。肺移熱於大腸。為便血。用涼膈散者。大腸本經自熱。而病用當歸大黃湯。加梔連芍藥者。膀胱下焦熱結。而尿血。用木通車前湯。加知柏梔連者。肝經血室伏火。而施泄下血。用知柏四物

湯合龍胆瀉肝湯者。未可以陰寒言之也。

太陽病。以火薰之。不得汗。其人必躁。到經不解。必圜血。名為火邪。

太陽病當汗解。因其人津竭血燥。不得作汗。醫以火劫汗。傷陰。故發躁。下圜血。當清火邪。

太陽病。下之。其脈促。不結胸者。為欲愈。脈沉滑者。協熱下痢。脈浮滑者。必下血。太陽病誤下。怕成結胸。其脈浮促。表邪尚未內陷。未成結胸。故為欲愈。若脈沉滑。則邪遺大腸。而為協熱下利。若脈浮滑者。則血熱流溢。必大便下血。淋家不可發汗。發汗則便血。

淋家即熱結膀胱。小便頻數。不清利。膀胱反發其汗。必小便出血。

陽明病。下血。譫語者。此為熱入血室。但頭汗出者。刺期門。隨其竇而瀉之。澱然汗出則愈。此條詳註熱入血室。

少陰病。八九日。一身手足盡熱者。以熱在膀胱。必便血也。

此少陰熱邪。外傳太陽。則一身盡熱。熱結膀胱。必小便下血。

當歸大黃湯

當歸 大黃 生地 甘草

此方本治燥火下血。家秘以此治吐血嗽血。大便乾結。良以涼血則不上升。且大黃與當歸同用。其血當歸經矣。

黃芩芍藥湯 見衄血

肝家有火。則施泄不藏。脾受火乘。則土崩而不裹。今以白芍與芩連同用。則肝脾之火皆清。而藏裏之令皆得矣。

蒼朮敗毒散

熟蒼朮 羌活 獨活 柴胡 前胡 防風 荆芥 枳殼 廣皮

甘草

寒溼傷於太陽。內傳陽明。有溼毒下血之症。以毛竅所入之邪。必要仍從毛竅而出。故不用血藥。而以此方散寒溼。若誤用寒涼。毒邪伏而不散。

桃核承氣湯 即桃仁承氣湯。

寒溼傷表用敗毒散裏熱下血以此方清裏熱下淤血。一表一裏兩大法也。
導赤各半湯 見譚語發熱 涼膈散 見譚語。

火府丹 治二便

當歸 赤芍藥 黃連 大黃 甘草 滑石

桃仁承氣湯下淤血者。此方清血熱者同用大黃有清下之分。有大小便之別。
當歸大黃湯

當歸 大黃 廣皮 甘草

火府丹兼治二便。此方品清大腸。

木通車前湯

木通 車前子 山梔 川連 知母 黃柏 生地 甘草

此方清小腸之熱。通利膀胱。家祕治下焦熱結。小便淋祕。

知柏四物湯

知母 黃柏 當歸 白芍藥 生地 丹皮

龍胆瀉肝湯 見脅痛。

胆草

柴胡

黃芩

山梔

川連

知母

麥冬

人參

甘草